



TOSHKENT DAVLAT YURIDIK UNIVERSITETI REKTORINING B U Y R U G ' I

13.09.2022

256-um-son

Toshkent davlat yuridik universitetining magistratura bosqichiga qabul qilingan xotin-qizlarning to'lov-kontrakt mablag'larini to'lab berish chora- tadbirlari to'g'risida

O'zbekiston Respublikasi Prezidentining "Oila va xotin-qizlarni tizimli qo'llab-quvvatlashga doir ishlarni yanada jadallashtirish chora-tadbirlari to'g'risida" 2022-yil 7-martdagi PF-87-son Farmoni va "Davlat oliy ta'lim muassasalariga o'qishga qabul qilish jarayonlarini tashkil etish to'g'risida" 2022-yil 15-iyundagi PQ-279-son qarori, shuningdek O'zbekiston Respublikasi Vazirlar Mahkamasining "Davlat oliy ta'lim muassasalari magistratura bosqichida ta'lim olayotgan xotin-qizlarning to'lov-kontrakt mablag'larini to'lab berish chora-tadbirlari to'g'risida" 2022-yil 15-avgustdagi 447-son qarori hamda O'zbekiston Respublikasi Oliy va o'rta maxsus ta'lim vazirining "O'zbekiston Respublikasi Vazirlar Mahkamasining 2022-yil 15-avgustdagi 447-son qarori ijrosi to'g'risida" 2022-yil 17-avgustdagi 280-son buyrug'i ijrosini ta'minlash maqsadida,

BUYURAMAN:

1. O'zbekiston Respublikasi Vazirlar Mahkamasining "Davlat oliy ta'lim muassasalari magistratura bosqichida ta'lim olayotgan xotin-qizlarning to'lov-kontrakt mablag'larini to'lab berish chora-tadbirlari to'g'risida" 2022-yil 15-avgustdagi 447-son qarori hamda O'zbekiston Respublikasi Oliy va o'rta maxsus ta'lim vazirining "O'zbekiston Respublikasi Vazirlar Mahkamasining 2022-yil 15-avgustdagi 447-son qarori ijrosi to'g'risida" 2022-yil 17-avgustdagi 280-son buyrug'i ijro uchun qabul qilinsin.

2. Toshkent davlat yuridik universitetining magistratura bosqichiga qabul qilingan xotin-qizlarning (keyingi o'rinlarda – talabgorlar) o'quv yili uchun to'lov-kontraktning to'liq summasini (tabaqalashtirilgan to'lov-kontrakt to'lovlari bundan mustasno) O'zbekiston Respublikasi Davlat budjetidan (keyingi o'rinlarda – Davlat budjeti) ajratiladigan mablag'lar hisobidan qoplab berish yuzasidan arizalarini qabul qilish hamda ularga tushuntirish ishlarini olib borish bo'yicha doimiy faoliyat yurituvchi ishchi guruhi (keyingi o'rinlarda – Ishchi guruhi)

tarkibi ilovaga muvofiq tasdiqlansin.

2. Ishchi guruhi (A.Iminov):

talabgorlar to'lov-kontraktning to'liq summasini Davlat budjetidan ajratiladigan mablag'lar hisobidan qoplab berish yuzasidan TDYU rektori nomiga o'quv yilining 15-sentabriga qadar ariza bilan murojaat etishlari, ushbu muddatdan keyin taqdim etilgan arizalar ko'rib chiqilmasligi to'g'risida tushuntirish ishlarini olib borishni;

taqdim etilgan arizalarni uch ish kuni ichida ko'rib chiqish hamda umumlashtirishni;

2022-yilda umumlashtirilgan talabgorlar ro'yxati besh ish kunida to'lov-kontraktlarni qoplab berish uchun Oliy va o'rta maxsus ta'lim vazirligiga yuborilishini;

2023-yildan boshlab talabgorlar ro'yxati besh ish kunida O'zbekiston Respublikasi Adliya vazirligiga yuborilishini;

2023-yildan boshlab universitetning budjet mablag'lari uning xarajatlar smetasida rejalashtirilgan holda aks ettirilishini;

talabgorlarga to'lov-kontraktning to'liq to'lab berish uchun Davlat budjetidan ajratilgan mablag'lar to'g'risidagi ma'lumotlarni TDYUning rasmiy veb-saytiga joylashtirish va mazkur ma'lumotlarni har chorak yakuni bilan yangilab borish hamda yillar bo'yicha aks ettirishni ta'minlasin.

3. Devonxona (X. Abdullayev) ushbu buyruqni manfaatdor tarkibiy bo'linmalarga yetkazsin.

4. Ushbu buyruq ijrosini nazorat qilishni o'z zimmasida qoldiraman.

Rektor



A.TASHKULOV

Toshkent shahar

Kiritildi:

Bo'lim boshlig'i

B.AVAZOV



Kelishildi:

Xalqaro hamkorlik va uzluksiz ta'lim
bo'yicha prorektor

D.UMAROV



yuriskonsult

D.ALIBOYEV



Buyruq bilan tanishdim

B.AVAZOV

